



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

VI. Erzbischof Erich von Magdeburg verleiht den Wohlthätern des neuen Kloster Bernstein, dessen Einkünfte noch nicht zum Unterhalt der Nonnen hinreichen, in Betracht der Wunder, welche Gott hier ...

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

V. Markgraf Albert überläßt das Dorf Clausdorf mit 64 Hufen und 16 Uebermaßhufen dem Ritter Werner Weiß oder Witten mit dem Versprechen, das Dorf nicht wieder vermessen zu lassen, am 5. August 1289.

Mutabilium successio temporum actiones hominum frequenter in irritum deduceret et inane, si non a voce testium vel scripti memoria reciperent munimentum. Hinc est, quod nos Albertus, Dei gracia Marchio Brandenburgensis, recognoscimus et tenore presentium in publicam volumus notitiam devenire, quod villam Clausdorf cum LXIII mansi et super excrecentiam mansorum XVI ibidem, quam dominus Wernerus miles, dictus Albus, a nobis pro XXXI talentis suis denariis comparavit, eidem domino Wenero cum omnibus suis distinctionibus prius habitis contulimus, ita quod ad dictam villam LXIII mansi tantum et non plures aliquatenus computentur, publice etiam protestantes, quod mansi dicte ville ex nunc amplius non mensurabuntur per nos seu per nostrorum quempiam successorum, Sed ad dictam villam secundum quod siti sunt, libere et sine diminutione qualibet pertinebunt. In cuius rei testimonium presentes conscribi fecimus et sigilli nostri munimine roborari. Huius rei testes sunt Johannes de Marewitz, Petrus de Staue-now, milites, Rodolfus de Leuendale et plures alii fide digni. Datum Brunneke, anno domini M. CC. LXXXIX. in die beati Oswaldi Regis.

Nach v. Dreger's Abschrift ex orig. Bernstein.

VI. Erzbischof Erich von Magdeburg verleiht den Wohlthätern des neuen Klosters Bernstein, dessen Einkünfte noch nicht zum Unterhalt der Nonnen hinreichen, in Betracht der Wunder, welche Gott hier wirke, einen Ablass, am 26. Februar 1290.

Ericus, miseratione diuina archiepiscopus sancte ecclesie Magdeburgensis ceterique confratres nostri episcopi videlicet Conradus Lubucensis, Brandenburgensis nec non Havelbergensis, vniuersis Cristi fidelibus presens scriptum inspecturis salutem in eo, qui est vera salus. Ad diuine laudis obsequium basilice sanctorum in titulum eriguntur, ut in eis, que domus orationis existunt, suffragia bonorum agminum implorentur, quorum presidii Cristi fideles eterne felicitatis premia consequantur: terrestris quidem ecclesia celestis mansionis edificium representat et in hoc exhiberi debet obsequium, quo ad illam per faciliorem accessum additus possit preparari. Cupientes igitur novellam plantationem ecclesie sanctimonialium in Berenstene, Caminenis dyocesis, Cisterciensis ordinis, in honorem sacratissimi corporis domini nostri Ihesu Cristi ibidem, in carnem et sanguinem mirabiliter inmutati et gloriose virginis matris Marie venerabiliter dedicandam, crebis honoribus honorari et a cunctis Cristi fidelibus iugiter frequentari, In qua etiam Dominus de sua clementia multa et crebra signorum miracula operatur, de omnipotentis Dei ac ea qua nobis indulget gracia presumentes, Omnibus vere penitentibus et concessis, qui dictam nouellam plantationem in festiuitatibus pasche, pentecostes, ascensionis, natiuitatis Domini, in cena domini, in die

commemorationis corporis Christi, in festiuitatibus beate virginis, nec non sancte crucis et per octauas earundem et in die sanctorum, quorum reliquie in iam sepedita ecclesia continentur, causa deuocionis pia mente uisitauerint, quique quouis tempore sanctimonialibus dicte plantationis nouelle pia et grata karitatis subsidia contulerint pro sua sustentatione, cum adhuc nondum eisdem proprie suppellant facultates, singuli singulis XL dies indulgentiarum et vnam karenam de inuncta sibi penitentia misericorditer in Domino relaxamus. Datum Magdeburg, anno domini M. CC. LXXXX. III. kal. Marcii, Pontificatus nostri anno septimo.

Nach von Dreger's Abschrift des Originales.

VII. Markgraf Albrecht stiftet das Kloster Bernstein und legt demselben den See, den Burgwall im See mit den dazu gehörigen Leuten und das Patronat über die Pfarrkirche der Stadt bei, am 21. März 1290.

In nomine sancte et indiuidue trinitatis amen. Injuriatur memorie frequenter obliuio, longinquitate sit sepe temporis ut res clara presentibus reddatur obscura futuris; Quocirca aduersus obliuionis dispendium de scripture suffragio prouidit industria sapientum. Cum itaque rerum gestarum certissima representatio sit scriptura, que de uerborum serie redactorum in ipsam neque minuit neque mutat, Nos Albertus, Dei gracia Marchio Brandenburgensis, recognoscimus et tenore presentium in perpetuam memoriam volumus deuenire omnibus ipsarum auditoris continentiam seu uisuris, Quod ad honorem omnipotentis Dei et sue matris beate Marie semper uirginis gloriose ecclesiam sanctimonialiam in Berensten, Cisterciensis ordinis, Caminensis dyocesis, fundauimus pro nostra nostrorumque progenitorum ueriori salute, dotantes et donantes eisdem locum, in quo resident et morantur, Stagnum quoque dictam ciuitatem Berensten circumfluens et circumdans, cum loco castri sito in eodem stagno, qui locus Borchwall uulgariter appellatur, usque ad fossam ciuitatis, que pro nunc est, cum Cmetis et collatis castri, Omnes proprietates et libertates terminorum prescriptorum cum iuribus tam superiori quam inferiori, quas et que nos ac nostri progenitores huc usque possedimus in ipsas sanctimoniales presentes et futuras pleno ac inuolabili iure transferentes. Insuper ecclesiam parochialem dicte ciuitatis cum omnibus suis pertinentiis, accidentibus et prouentibus, dummodo consensus iudicis ordinarii accesserit, ad eandem ecclesiam sanctimonialium iusto proprietatis tytulo perpetuo pertinendam. Insuper damus et donamus eisdem in omnibus pascuis pro uilitate sua et pecorum ac pecudum suorum tam in agris cultis quam incultis, in riuis et riuulis, in nemoribus et paludibus et in omnibus finibus infra metas ciuitatis predictae plenam ac per omnia liberam facultatem. Et ne hec nostra dotatio siue donatio per nos seu per quempiam heredum nostrorum in posterum valeat irritari, presentes de nostra certa scientia fieri et sigilli nostri appensione iussimus communiri. Huius foundationis et sollempnis nostre donationis testes sunt Johannes de Marwytz, Petrus de Stauenowe, Otto de Thene, Hinricus de Sydowe, Vlricus de Osterburch, Bose de Brunkowe, milites, et quam plures alii clerici fidedigni.